



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Ga  
113.180  
3


Ga 113.180.3



**Harvard College Library**

FROM

*Mrs. John H. Wright*  
*Cambridge*



---



**SACRA SÆCULARIA**  
**REGII GYMNASII ERLANGENSIS**

**ANTE HOS CENTUM ANNOS**

**CONDITI**

**DIE XIV. MENS. IUL. A. MDCCCXLV**

**PIE CELEBRANDA**

**INDICUNT**

**GYMNASII RECTOR ET COLLEGAE**

**PRAEFANTE**

**D. CHRISTIANO GUILIELMO IOSEPHO CRON,**

**PRÆCEPTORE.**

**IN EST COMMENTATIO**

**DE LOCO POETICAE ARISTOTELIS, QUO EURIPIDES POETARUM MAXIME TRAGICUS DICITUR.**

---

**ERLANGAE,**

**TYPIS BARFUSIANIS MDCCCXLV.**

Ga 113.180.3

Gift of  
Mrs. [unclear]  
[unclear]

**Cum factum sit, ut ad me deflueret munus sacris saecularibus Gymnasii nostri propediem celebrandis praefandi, collegis, quorum nomine hoc facio, per alias occupationes distentis, temporum angustis, quibus premor, vix uno ultra triduum mihi concesso die, in eam necessitatem me redactum video, ut omisso pleniore quodam et digniore qui hac selemni occasione in publicum prodiret philologiae nostrae loco, satis habeam, per compendia quasi viae ad finem propositum tendere.**

**Elegi de quo commentarer locum quendam poëticae Aristoteleae, de quo libro quum diversissima esse hominum doctorum judicia non ignorem et his recentissimis etiam temporibus extiterint<sup>\*)</sup>, qui Aristotelis auctoritatem infringendam sibi esse ducere, ego me eorum sententiae accedere profiteor, qui non caeca quidem admiratione abrepti sed argumentorum elegantia et rationum acumine commoti, illum librum quamvis temporum casusve injuria misere habitum<sup>\*\*)</sup> plurimi faciant et ejus auctoritati aliquid tribuant.**

---

<sup>\*)</sup> Significo virum ingeniosum et eleganti doctrina conspicuum, qui in Annalibus literariis Berolini editis eorum, quae Roetscherus ad artem dramaticam pertinentia scripsit, censuram faciens, sine causa mihi Aristotelis iudicio officere videtur, de qua re alio loco expositurus, nunc plura dicere supersedeo.

<sup>\*\*)</sup> Doctissime et accuratissime de ea re exposuit Leonardus Spengelius in disputatione quadam, Actis Academiae literariae quae Monaci floret inserta, qui vir, plenissima scriptorum



Inde fit, ut etiam ubi in locum incidimus, qui animum nostrum suspensum habeat et dubium, quam in partem iudicium inclinemus, non protenus inique de eo statuamus sed circumspeciamus rationes, quae ad diluendam rei difficultatem idoneae esse videantur.

Plurima huius generis inesse video in ea parte libri, quae est de fabulae compositione, in qua Aristoteles primarium poëtae opus positum esse censet; neque eximo ab eorum numero eum locum, quo Euripidi principatus quidam inter poëtas tragicos assignari videtur. Legitur is in capite tertio decimo, ubi Aristoteles pulcherrimam fabulam eam esse statuit, in qua rerum conversio sit a fortuna bona in fortunam malam. Διό, inquit, καὶ οἱ Εὐριπίδῃ ἐγκαλοῦντες τὸ αὐτὸ (? Herm. αἰτῶν) ἐμαρτύρουνσιν, ὅτι τοῦτο δρᾷ ἐν τοῖς τραγῳδίαις καὶ πολλοὶ αὐτοῦ εἰς δυστυχίαν τελευτῶσιν· τοῦτο γὰρ ἐστίν, ὥσπερ εἴρηται, ὁρθόν· σημεῖον δὲ μέγιστον· ἐπὶ γὰρ τῶν σκημῶν καὶ τῶν ἀγώνων τραγικώταται αἱ τοιαῦται φαίνονται, ἂν κατορθωθῶσιν, καὶ ὁ Εὐριπίδης, εἰ καὶ τὰ ἄλλα μὴ εὖ οἰκονομεῖ, ἀλλὰ τραγικώτατός γε τῶν ποιητῶν φαίνεται. Nescio an quisquam inventus sit, qui simplicem hoc loco atque meram Euripidis laudem contineri sibi persuaderet, in quam sententiam eum tantum se innuere posse apparet, qui verba non accurate perlegerit sed obiter inspexerit vel fande audiverit, et cupidius quam cautius iudicare consueverit. Vetant enim quum alia tum continuo cum illis in quibus Euripidis laus versatur conjuncta haec: εἰ καὶ τὰ ἄλλα μὴ εὖ οἰκονομεῖ. Cavendum tamen etiam hoc, ne plus aequo de Euripidis laude

---

Aristotelicorum doctrina instructus utinam hunc librum a se adornatum et quantum fieri potest in ordinem redactum edere velit, omnibus qui his literis operam dant, gratum facturus, nisi forte Maximilianus Fuhrius, quem ejus editionem parare cognovi, consilia cum illo communicaturus est. — Confitendum mihi etiam est hoc loco, me earum editionum, quae post Hermannii operam prodierunt, praeter Bekkeri editionem minorem nullam ad manum habuisse, quod benigni lectores ut aequi bonique faciant, oramus.

haec verba detrahere existimemus. Restant enim satis magna ea ipsa, quibus Euripidem philosophus poetarum maxime tragicum dicit et contra aliorum quorundam reprehensionem defendendum suscipit. Qui igitur recte de toto loco judicare velit, eum primum vocabuli *τραγικός* vim et significationem perpendere, deinde vero ad sententiarum cohaerentiam diligenter animum advertere oportebit.

Vocabulo *τραγικός* quidem inesse vellet Aristoteles notionem, quum ex aliis locis tum ex iis, quae cum huius ipsius, de quo nunc nobis res est, rationibus arcte conjuncta in eodem capite leguntur, clare elucet. Ubi enim eam fortunae commutationem, quae tragoediae vicibus minime conveniat, designare vult, οὐδὲν γὰρ, inquit, ἔχει, ὅν δ' εἶ· οὔτε γὰρ φιλόανθρωπον οὔτε ἐλπεινόν οὔτε φοβερόν ἐστιν. Vides tria esse, quae ex Aristotelis sententia tragoediae fabulam habere deceat, ut metum et miserationem excitet atque cum humanitatis sensu conveniat. Et miserationem quidem ejus esse statuit, qui indigna sorte affligatur; metum vero eum incutere dicit, qui simili cum nobis rerum conditione utatur; neque quid sit φιλόανθρωπον nos fugere potest, quum huius rei vim in improborum supplicio cerni, in eorundem vero secundis rebus quam maxime desiderari meminimus; ex quo apparet, circa eandem fere rem eam versari, quam nos dicimus justitiam poeticam. Postulat itaque Aristoteles, poetae consilium ne declinet ab ea naturae nostrae insita aequitate et justitia, in qua humanitas conspicitur. Quodsi constiterit, quod in dubium vocari nequit, tres illas notiones uno vocabulo *τραγικός* comprehendi, non parvam quandam neque vilem sed magnificam laudem contineri apparet iis verbis, quibus Aristoteles Euripidem poetarum maxime tragicum videri dicit. Quid vero de Aeschylō et Sophocle faciemus? num hos tragoediae muneri minus satisfecisse? horum fabulas ad miserationem metumque excitandam et tangendum humanitatis sensum minus accommodatas esse dicemus? Existitit quidem nuperrime, qui Euripidis patrocinium adversus iudices iniquos ita susciperet, ut simul famam illorum lacerare summo opere coneretur, quo videlicet tutius ei, quem ardentissimo studio amplecteretur, palmam deferret. Sed vereor, ut

multos nanciscatur sententiae suae subscriptores. Jam vero res eo perducta esse videtur, ut qui de Aristotelis dicto illo recte judicare velint, facere non possint, quin trium principum poetarum tragicorum quae servatae sunt fabulae, eas omnes ad artis praecepta ab Aristotele tradita explorent et ita exquirant, cui potissimum palma debeat. A quo negotio, quippe quod majoris et ambitus et operis sit, utique nobis nunc quidem abstinendum et de re imperfecta decedendum foret, nisi in tempore subiret recordatio, nondum nos eas muneris partes implesse, quae in orationis et sententiarum continuatione excutienda posita sunt; ad quas protinus me confero.

Distinguit Aristoteles *simplicem* et *implicatam* fabulae compositionem, et *implicatam* eam dicit, quae rerum conversionem aut ex fortuna bona in malam aut ex mala in bonam habeat. Omitto quae de meritis ejus personae, in qua fortunae commutatio conspicitur, adjungit, quod iis quae locum indicatum et a me supra positum continue praecedunt, Aristoteles ad illam sententiam, qua de ipsius *περιπετειάς* variis rationibus explicat, revertitur, dicens: *ἡ μὲν οὖν κατὰ τὴν τέχνην καλλίστη τραγῳδία ἐκ παύτης τῆς συστάσεως ἐστίν*, eam fabulae compositionem intelligens, quae fortunae commutatione in res tristiores utitur. Haec qui reputaverint, iis non maligne sed sobrie judicare videbitur is, qui primus hunc librum elegantiori commentario instruxit, Euripidem ab Aristotele eo nomine laudari censens, quod plurimas ejus generis composuerit fabulas, quae infelici exitu conspicuae essent, quamvis in hoc longius procedens, quod vocabulo *φαίναται* insistens significare videtur, totam eam laudem Euripidi impertitam ex spectatorum judiciis pendere; nam hoc certe loco Aristoteles, qui infra quidem theatrorum imbecillitatem reprehendit, judicium suum cum spectatorum studiis prorsus consentiens formavit; neque leve hoc vel parvae laudis esse vult, quod pertinet ad eam poëseos tragicae partem, quam primariam esse judicat Aristoteles; quamquam his concessis non continuo efficitur, qui huic muneris parti optime satisfecerit, eundem poetam praestantissimum esse; immo valde vitiosus esse potest, si vel in meritis effugiendis vel in sententiis explicandis labi consueverit. Sex enim partes:

poëtas tragicæ ponit Aristoteles, omittens eam, quam rhetores *dispositionem* dicunt, quia scilicet cum fabulæ inventionem conjunctam esse vult, quarum quam potissimum in animo habeat, Euripidem in reliquis minus feliciter versari dicens, non hujus loci est quaerere. Redimus eo unde defleximus; nondum enim nobis constat sententia de illo loco, et utique dolemus, quod Hermannus brevius quam velis opere defunctus est. Nam sive magna sive parva laus est quam Aristoteles Euripidi tribuit, nos quidem poëtae eam non inviderimus, modo veritas constiterit, cujus nos amantiores esse oportet quam Euripidis. Miror itaque, quod me quidem sciente nemo adhuc in animum induxit, eas tragoedias, quae ex tanto naufragio nobis superstites sint, levi saltem oculo perlustrare et exquirere, num forte computatione facta verisimile reddatur, Euripidem artis aemulos ejusmodi fabularum compositione, quae infelici exitu uteretur, superasse. Mihi enim comparatione instituta hoc minime effici videtur. Non ignoro, relinqui magnum illum numerum tragoediarum, quae interierint, quarum quae servata sunt fragmenta nunc quidem mihi non datur ut recenseam et ad hunc usum explorem, quamvis qui post utilissimam Welckeri et Matthiae operam recentissimis temporibus dumviri doctissimi, Hartungus et Wagnerus, alter in fabularum argumentis enarrandis et divinandis, alter in ipsis poëtae verbis exornandis et explicandis elaboraverunt, faciliorem et amoeniorem reddiderint aditum; neque vero, si ad conjecturam confugere licet, aliud quid effici crediderim quam quod ex superstitionibus fabulis colligi potest. Hoc quodammodo probabile fit eo, quod sunt testimonia, ex quibus cognoscimus, ab Euripide adeo ejusmodi fabulas, quae apud Sophoclem per medias vias ad plenum luctus et moeroris exitum perducuntur, velut Antigona, immutatas et conversione in res latiores donatas esse. Quare hac quidem via progredientibus nobis vix continget, ut hoc Aristotelis de Euripide dictum difficultate qua premitur liberemus et ad veram ejus intelligentiam perveniamus. Neque defuerunt, qui, quam una cum Aristotelis auctoritate Euripidis praestantiam prodere dedignarentur, relictis Aristotelis verbis, aliis vestigiis insisterent. Praeivit Lessingius, cui praeter alia decora etiam hoc a philologia lauditribuendum

Ga 113.180.3



**Harvard College Library**

FROM

*Mrs. John H. Wright*  
*Cambridge*

\_\_\_\_\_

•

•

•

•

*Μήδειαν*· ἔστι δὲ πρᾶξαι μὲν, ἀγνοοῦντας δὲ πρᾶξαι τὸ δεινόν, εἰθ' ὕστερον ἀναγνωρί-  
σαι τὴν φίλιαν, ὥσπερ ὁ Σοφοκλέους *Οἰδίπους*· τοῦτο μὲν οὖν ἔξω τοῦ δράματος, ἐν  
δ' αὐτῇ τῇ τραγωδίᾳ, οἷος ὁ *Ἀλκμαίων* ὁ *Ἀστυδάμαντος* ἢ ὁ *Τηλέγονος* ὁ ἐν τῇ  
*τραυματίᾳ* *Ὀδυσσεύ*. Hic locus egregie sententiae modo propositae succurrere  
mihi videtur, simulque ita comparatus esse, ut scribendi rationem, qua Aristotelem  
subinde uti videmus, exemplo luculento ostendat. Scripta sunt haec in eorum potissi-  
mum usum, qui illa aetate tragoedias faciebant, quibus praecipit Aristoteles, traditas  
fabulas ne ita immutare velint, ut earum ratio prorsus pervertatur, velut si Clytae-  
mnestra vel Eriphyle mortem effugeret, sed aut traditis recte uti, aut novas invenire  
malint, cujus rei exempla proponit. Quos hoc loco veteres dicit, Aeschylum et So-  
phoclem cum Euripide intelligendos esse apparet, quibus hic quoque Euripidis exem-  
plum adhibetur. His ex adverso ponere debebat posteriores quosdam, aut laudaturus  
aut vituperaturus; sed ingruente memoria, Oedipodis Sophoclei rationem magis cum  
his recentioribus conspirare, quamvis non prorsus consimilem esse, hujus protenus  
mentionem injicit, deinde demum posteriores illos nominaturus. Ceterum de loci sen-  
tentia recte mihi judicare videtur Welckerus in iis quae posuit p. 1057 ejus libri, quem  
de tragoediis Graecis cum epico cyclo collatis scripsit; in eo quoque probandus, quod  
monet, ne despiciamus eos poetas, qui post Euripidem et Sophoclem scenam susten-  
tarint. Nam horum quoque aliquam laudem esse, quum ex ipsius rei probabilitate,  
literarum flore illa aetate ad summum fastigium elato, tum vero ex hoc ipso aliisque  
hujus libri locis, quibus Aristoteles posteriorum poetarum mentionem facit, colligi pot-  
est. Nam tantum abest, ut Aristoteles, quae Koepkii, qui de hac re scripsit, sen-  
tentia est, Astydamantem et Chaeremonem (hunc enim recte intelligi puto, et multo  
quidem rectius quam Sophoclem cujus hoc loco mentio esse nequit) vituperaverit, ut  
utrumque, praecipue vero Astydamantem maxima laude ornaverit, quippe qui fabulam  
a principibus poetis tractatam nove et bene et adeo melius illis composuerit. Hoc  
loco comparato id nobis effecisse videmur, ut jam probabilius fiat, illo quoque altero,

cujus novam proponere hominibus literatis explicationem in animum induximus, Aristotelem aequalium suorum usibus conspulsisse, et si qua insit dictionis indiligentia, ea ne ab hujus libri ratione aliena videatur.

Propositum erat, quaedam adjicere de ea quaestione, rectene Aristoteles iudicaret, illam fabulae compositionem, quae in res miseras funestasque desineret, praefendam esse ei, quae contrario statu uteretur; sed inhibente typographo satius est transire ad eam muneris suscepti partem, cujus causa haec praefati sumus, quae si homines eruditi et harum literarum curiosi non plane a re disputata esse judicaverint, omnia quae sperare poteramus assecuti esse et tumultuariae opellae pretium fecisse nobis videbimur.

Quem initio instare significavi diem laetum, quo centum abhinc annis Gymnasium nostrum inauguratum et Friderico-Alexandrinae modo conditae rebus adjunctum est, eum die quarto decimo hujus ipsius mensis cum piis votis et grata rerum nostrarum recordatione celebratum imus. Quorum solemnium ut in communionem nobis venire et Deo optimo maximo, cujus beneficio hucusque res nostrae servatae et Regis augustissimi et clementissimi auspiciis auctae sunt, una nobiscum grates persolvere et pia vota nuncupare atque ad orationes recitationesque audiendas nobis interesse velint, primum Universitatis Prorectorem magnificum una cum Professoribus atque Doctoribus spectatissimis, omnes hujus urbis Primores, Magistratus, summe reverendos, illustrissimos, amplissimos, suis quemque muneribus atque titulis ornatos, deinde omnium ordinum Cives, juvenum nostrae disciplinae commissorum Parentes, omnes denique, qui juventuti artibus bonis erudiendae favent aut nobiscum muneris societate conjuncti student, rogamus invitamusque. Neque veremur, ne a Vobis repudiantur preces nostrae. Quamvis enim nondum effluxerit ex animis nostris dierum festorum ante hoc biennium summa cum celebritate in hac Urbe actorum recordatio, quorum splendori et magnificentiae rerum nostrarum tenuitatem et mediocritatem comparare nec volumus nec possumus: tamen Vos, scientes et expertos, quantum valeat recta puerorum et juvenum



institutio ad artes et doctrinas, quarum praesidium et decus apud Universitates constitutum est, penitus imbibendas et pernoscendas, ne parvas quidem has nostras res, quarum mox Vobis proponemus enarrationem, despecturos esse confidimus.

Scipsi Erlangae d. X. Jul. MDCCCXLV.





This book should be returned to  
the Library on or before the last date  
stamped below.

A fine of five cents a day is incurred  
by retaining it beyond the specified  
time.

Please return promptly.

Ga 113.180.3  
De loco poeticas Aristoteleas,  
Widener Library 001857331



3 2044 085 100 329